



UNIVERSITÄTS-
BIBLIOTHEK
PADERBORN

Paraphrasis Psalmorvm Davidis Poetica

Buchanan, George

Argentorati, M. D. LXVIII.

VD16 B 3125

Psal. XVII. Exaudi Domine iustitiam meam. &c. Carm. gen.5.

[urn:nbn:de:hbz:466:1-69145](#)

PSAL. XVII. Exaudi Domine iustitiam
meam. &c. Cārm. gen. 5.

A Equus exaudi bone rector orbis
AEqua poscentem: tibi quas profundit
Lingua non mendax, cape non iniqua
Aure querelas.

Ad tuum læsus fugio tribunal,
Et fidem appello: mihi cognitorem
Te peto: oppreslos oculis benignis
Aspice iustos.

Sæpe per solas tacitæ tenebras
Noctis arcanos mihi cogitatus
Cautus inspexti, trepidoq; corda
Turbida motu.

Sæpe, ceu flammis, animum probasti
Casibus duris, neq; comperisti
Conscium fraudis scelerumq; santi
Sæua minantem.

Os fuit concors animo, sonusq;
Sensui: legum monitis tuarum
Pectus innixum scelera impiosq;
Horruit ausus.

Hac uia gressus rege per tuarum
Orbitam legum, dubio uacillent
Ne pedes lapsu, instabilesq; turbent
Lubrica plantas.

Te uoco, duris ad opem periclis
Sæpe tentatam fugio: precantis
Admoue attentam miseris benignus
Questibus aurem.

B iiiij

Tu bonus fulci tibi qui salutem
Spemq; committunt: tibi consumacis
Spiritus cordis tetricus refræna
Vindice dextra.
Me uelut pupillam oculi tenellam
Proudus muni: procul impiorum
Impetu, alarum trepidum tuarum
Conde sub umbra.

Nam meæ uitæ manus impiorum
Imminet: uallant opibus, superbis
Intonant linguis, mala dira sæua
Voce minantur.

Obsident cunctos aditus uiarum:
Commoda obseruant loca, destinantq;
Ad meam cædem, facinusq; patrant
Mentibus absens:

Qualis in prædam leo fertur ira
Feruidus, qualis catulus leonis
Lacte depulsus speculatur alto
Abditus antro.

Surge, conatus, pater, anteuerte
Impios, stratoq; in humum tyranno,
Metuo quo nunc furit ille sæuus,
Eripe ferro.

Neu sine ut me ui premat impotentum
Diuitum fastus, quibus una cura est
Dum licet blandæ illecebras caducas
Carpere uitæ.

His opes terris penitus refossis
De penu fundis locuplete, uentri
Sufficis fruges, hilarasq; multa
Prole penates.

Puritas uitæ mihi te tueri
Corporis uincis tribuet soluto:
Illa lux uerè faciet me ab omni

Parte beatum:

Lux uoluptatum cumulata cunctis
Gaudijs, quum se sine nube menti
Pura maiestas dabit intuendam

Lumine puro.

PSAL. XVIII. Diligam te Domine. &c.

Carm. gen. i.

TE Deus alme colā, te toto pectore amabo,
Sancte parēs, mea uis, mea sola potētia, tur
Præsidiū, spes, & rebus solamen in arctis. (ris,
Tu clypeus, tu tela mihi, tu certa salutis
Anchora, tu statio tuti placidissima portus.
Nam simulatq; tuas in laudes ora resoluo
Te uenerans, pacemq; petēs, inimica faceſſunt
Arma, salus, placidisq; comes pax aduolat alis.

Iam me lethiferis mors circumuoluerat atra
Cassibus, obſeſſum iam me torrentibus orcus
Impediebat aquis, stygia iam cōpede uinctus
Hærebam, laqueoq; pedem retinēte trahebar:
Hic ego depensus, supplexq; humiliſq; uocauī
Voce Deū, & dubijs clamaui ad sidera rebus.

Ille super ſolio residens flammantis Olympi
Audijt orantem . postquam peruenit in altum
Clamor, & attentas aduertit queſtibus aures,
Protinus ē uultu Domini conterrīta tellus
Intremuit, montesq; caua compage ſoluta

B v